

হোয়াইট হাউস শুক্রবার সকালে একটি নতুন [ওয়েবসাইট](#) চালু করেছে, যা এই তত্ত্বকে সমর্থন করে যে- করোনাভাইরাস একটি মানবসৃষ্ট প্যাথোজেন, যা চীনের উহানের একটি সংক্রামক রোগের পরীক্ষাগার থেকে ফাঁস হয়েছিল।

'মহামারি শেষ হয়ে গেছে' এই যুক্তির ভিত্তিতে কোটি কোটি টাকা কোভিড তহবিল হ্রাস করার পর এই পদক্ষেপ নিয়েছে ট্রাম্প প্রশাসন।

সিএনএন ও এনবিসি নিউজের প্রতিবেদনে এসব তথ্য জানানো হয়েছে।

এনবিসি নিউজ জানায়, করোনাভাইরাস সম্পর্কিত তথ্য জানতে 'কোভিড ডট গভ' নামে মার্কিন ফেডারেল ওয়েবসাইটে যারা প্রবেশের চেষ্টা করেছেন, গতকাল শুক্রবার তারা সেখানে একেবারে ভিন্ন কিছু খুঁজে পেয়েছেন।

কেননা সেই পৃষ্ঠাটি এখন হোয়াইট হাউসের একটি ওয়েবসাইটে শো করছে, যা পরামর্শ দেয় যে করোনাভাইরাস মানুষের মধ্যে সংক্রামিত হওয়ার আগে চীনের উহানের একটি গবেষণাগারে উদ্ভূত হয়েছিল।

করোনাভাইরাসের উদ্ভব নিয়ে এই বহুল বিতর্কিত 'ল্যাব ফাঁস তত্ত্ব' মহামারির শুরুর দিনগুলোতে আবির্ভূত হয়েছিল এবং তখন থেকে কিছু ডানপন্থী মিডিয়া আউটলেট এবং রক্ষণশীল রাজনীতিবিদদের মধ্যে জনপ্রিয়তা অর্জন করেছে।

শুক্রবারের আগে 'কোভিড ডট গভ' ছিল কোভিড ভ্যাকসিন, চিকিৎসা, পরীক্ষা এবং দীর্ঘ কোভিড সম্পর্কে তথ্যের অন্যতম মাধ্যম। ওয়েবসাইটটি ফার্মেসি এবং কমিউনিটি হেলথ সেন্টার খুঁজে পেতে অত্যন্ত সহায়ক ছিল।

এর পাশাপাশি 'কোভিড টেস্ট ডট গভ' ওয়েবসাইটিও একসময় বাড়িতে বিনামূল্যে কোভিড পরীক্ষার অর্ডার দেওয়ার অনুমতি দিয়েছে। এটি এখন হোয়াইট হাউসের 'ল্যাব লিক ওয়েবসাইটে' শো করছে।

হোয়াইট হাউসের মুখপাত্র কাইলান ডর এক বিবৃতিতে বলেছেন, 'ট্রাম্প প্রশাসন খুব স্পষ্ট যে, আগের প্রশাসনের বিপরীতে, আমরা মার্কিন ইতিহাসে সবচেয়ে স্বচ্ছ প্রশাসন হব। আমাদের দর কষাকষির শেষ বজায় রাখার জন্য উদ্ভাবন এবং সৃজনশীল উপায় খুঁজে বের করা থেকে কিছুই আমাদের আটকাতে পারবে না।

নতুন ওয়েবসাইটের বিষয়বস্তু মূলত ডিসেম্বরে প্রকাশিত হাউস অব রিপ্রেজেন্টেটিভস রিপোর্টের ওপর ভিত্তি করে, যা উপসংহারে এসেছে যে কোভিড 'সম্ভবত একটি পরীক্ষাগার বা গবেষণা সম্পর্কিত দুর্ঘটনার কারণে উদ্ভূত হয়েছিল'।

রিপোর্টটি করোনাভাইরাস মহামারি সম্পর্কিত রিপাবলিকান-নেতৃত্বাধীন নির্বাচন উপকমিটি দ্বারা তৈরি করা হয়েছিল, যারা প্রায় দুই বছর ধরে ভাইরাসের উৎস অনুসন্ধান করছে।

করোনাভাইরাস হোয়াইট হাউস ট্রাম্প